



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs LVII. Miserere mei Deus, miserere mei.

urn:nbn:de:hbz:466:1-44993

PSALMVS LVII.

Miserere mei Deus, miserere mei.

PROBITATIS ASSERTOR DEVS.

Ad præstantem Ne corrumpas. Davidis Michtham,
cum fugeret à facie Saulis, in spelunca.

Carmen Sapphicum.

2 **M**E, DEVS, me tu miseratus, huic, quæ
Te petit fidens, animæ pericla
Transfer: alarum intereà tuarum

Protegar vmbra.

3 **P**RINCIPEM summum prece suscitabo
Viribus **F**ORTEM, mihi qui probatis
(Sic solet) factis statuetque & idem
Præmia tradet.

4 Sospes utque in me superem **V**S **Q**VE hiantura
Probra, demittet **D**EVS ipse verax
Blanda de cælis **D**EVS efficaci
Numine dona.

5 Flammeos inter iaceo leones
(Mens mihi quæ sit?) sobolemque Adam,
Lingua queis vibrans gladius, sagittæ,
Haltaque, dentes.

6 Tollere in cælos **D**EVS, atque terram
Gloriæ extendas monumenta in omnem

7 Quæ vales; rete hi pedibus pararunt
Tendere nostris.

Cogitur curis animo hæc in arcum,
Quæ viam tendo scrobibus refossis
Occidunt, casu penitus graui quas
Compleat auctor.

8 Iam mihi exultat, **D**EVS, & paraturæ
Comodos gestit fidibus canoris
Iungere, ac dulci celebrare cantu
Munera dia.

9 O decus nostrum vigila, atque surge
Nablium, exurgas cithara; ac neque ipsum
Me pigrum surgens præeat nitenti
Lucifer ortu.

10 Te canens multis populis fatebor,
Gentibus necnon **D**OMINVM, patronus
Gratus & lætus celebrabo, psalmis
Nempe canoris.

G

Nam

- 11 Nam tui doni bonitas benigni
Siderum tractus superat, polosque
Veritas dicti tua certa magnumque
Aethera vincit.
- 12 Tollere in summos DEVS alme calor,
Gloriæ ac terris monumenta cunctis
Tende, qua siccus pelago adiacenti
Prominet orbis.

PSALMVS LVIII.

Si verè utique iustitiam loquimini.

HVMANI IVDICII INIQUITAS.

- 1 Ad præstantem, Ne corumpas, Dauidis Michtham.

Carmen Dicolon Distrophon.

- A**Nne ô concilium iustitiam loqui
Nostis, iudicia an terrigenum genus
Recta æquo trutinæ examine ponitis,
Exacto officio integri?
- 2 Atqui corde delos prauaque perfido
In terra solitos vos fruerè laud negem;
Vestris è manibus vis venit improba,
Librata & studio malo.
- 3 Hæcunt nempe vias ex vtero impij,
Ex aliisque petunt deuia callibus
Errorum, faciles vana loqui nimis,
Falsa & fingere non pigri.
- 4 Virus pestiferum ceu colubro est quibus,
Virus quale nocens vipera concepit,
Quæ surdas nimium continet aurium
Obdens callida ianuas.
- 5 Frustrà illam magici murruris artifex
Tentat carminibus vincere fortibus;
Nil voces magici carminis audiet,
Temnetque artifices modos.
- 6 Dentes ore suo comminue his DEVS,
Molaresque feris tolle leonibus
- 7 IAS; ceu liquida dispareant aquæ,
Fluxu ac deficient suo.
Et quæ dira solet tendere spicula,
Nequicquam noceant, arcibus irritis
Intercisa velut lentaque vulneri,
Et fallente cadant manu.